

UGOVOR

Između:

1. **KJKP "Tržnice-pijace" d.o.o. Sarajevo**, ul. Mula Mustafe Bašeskije 4a, Sarajevo, ID: 4200683020005, koga zastupa direktor Jasmin Terović (u daljem tekstu: Ugovorni organ)
2. **„Unilab“ d.o.o. Sarajevo**, ulica Drinska br.70 Sarajevo, ID: 4200054160007, kojeg zastupa direktor Hazim Šahbaz (u daljem tekstu: Dobavljač)

Član 1.

Ovim Ugovorom ugovorne strane su se sporazumjele da će Dobavljač izvršiti nabavku i ugradnju tehničke zaštite vatrodjave i uvezivanje na sistem nadzora i upravljanja za PJ „Alipašino polje“, PJ „Ciglane“, PJ „Kvadrant“ i PJ „Iližba“. Ugovor se zaključuje na osnovu provedenog otvorenog postupka za dostavu ponuda objavljenog na Portalu javnih nabavki broj: 281-1-1-99-3-6/19 od 24.04.2019. godine, Ispravka obavještenja br: 281-1-1-99-8-7/19 od 03.06.2019. godine i br: 281-1-1-99-8-8/19 od 03.07.2019. godine.

Sastavni dio ovog Ugovora je prihvaćena Ponuda Dobavljača broj: 21HŠ-628/19 od 09.07.2019. godine, sačinjena prema specifikaciji iz tenderske dokumentacije.

Član 2.

Ugovorene strane su se međusobno sporazumjele da će se ugovorene robe isporučiti i ugraditi i plaćati prema utvrđenim jediničnim cijenama iz dostavljene ponude Dobavljača. Jedinične cijene nabavke i ugradnje tehničke zaštite vatrodjave i uvezivanje na sistem nadzora i upravljanja, utvrđene su u ponudi Dobavljača u ukupnom iznosu od 82.683,00KM bez PDV-a (slovima: osamdesetdvijehiljadešeststotinaosamdesettri 00/100 KM) odnosno 96.739,11KM sa PDV-om (slovima: devedesetšesthiljadasedamstotinatridesetdevet 11/100KM) i ne mogu se mijenjati u toku trajanja ovog ugovora, niti se mogu uzimati za razlog neisporuke i ugradnje tehničke zaštite vatrodjave i uvezivanje na sistem nadzora i upravljanja prema ugovorenim uslovima. Porez na dodanu vrijednost će se obračunati u skladu sa Zakonom.

Član 3.

Ugovor se zaključuje na period do finansijskog ispunjenja, ne duže od 45 dana.

U slučaju da Dobavljač ne isporuči i ugradi tehničku zaštitu vatrodjave i uvezivanje na sistem nadzora i upravljanja, u roku utvrđenom u predhodnom stavu ovog člana, dužan je platiti penale po godišnjoj stopi od 12% za svaki dan kašnjenja izvan ugovornog roka isporuke. Osnovica je vrijednost neisporučene robe.

Član 4.

- (1) Dobavljač se obavezuje da će izvršiti isporuku, ugradnju i uvezivanje na sistem nadzora i upravljanja predmetnih roba, u skladu sa potrebama i zahtjevu od strane Ugovornog organa.
- (2) Dobavljač se obavezuje da će predmetnu robu dostaviti, ugraditi i uvezati na sistem nadzora i upravljanja, na adresu Ugovornog organa PJ „Alipašino polje“, ul. Trg solidarnosti bb, PJ „Ciglane“ ul. Alipašina bb, PJ „Kvadrant“ ul. Džemala Bijedića bb, PJ „Iližba“ Ustanička bb;
- (3) Dobavljač se obavezuje na garantni rok od 24 mjeseca od momenta instalacije i puštanja u rad tehničke zaštite vatrodjave. Dobavljač se obavezuje da će izvršiti ispitivanje i atestiranje instaliranog sistema.

Član 5.

Dobavljač se ovim Ugovorom obavezuje da neće zapošljavati, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za javne nabavke, najmanje 6(šest) mjeseci po zaključenju Ugovora, odnosno od početka realizacije Ugovora.

Član 6.

Osnov za plaćanje isporučenih roba jesu fakture/računi koje Dobavljač ispostavlja Ugovornom organu za uredno isporučenu robu i izvještaj o kvantitativno-kvalitativnog prijema od strane Službe za razvoj i održavanje. Plaćanje na ime isporučenih roba Ugovorni organ je dužan uplatiti na žiro račun Dobavljača broj:1410010000105022, kod Bosna Bank International d.d. Sarajevo, i to u roku od 30 dana od datuma ispostavljanja fakture.

Član 7.

Ugovorni organ zadržava pravo da prilikom isporuke i ugradnje robe izvrši kvalitativni i kvantitativni pregled iste, na licu mjesta. Sva roba na kojoj se prilikom isporuke ili prilikom raspakivanja originalnih pakovanja ustanove bilo kakvi nedostaci ili odstupanja od zahtjeva tendera, na zahtjev Ugovornog organa, bit će od strane Dobavljača zamjenjena u roku od 3/tri/ dana.

Član 8.

Svi uslovi iz Tenderske dokumentacije broj: 12-9/19 od 03. 06.2019. godine, čine sastavni dio Ugovora Eventualne nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je Sud u Sarajevu.

Član 9.

Svaka od ugovornih strana može jednostrano raskinuti ovaj Ugovor, pismenim putem, uz otkazni rok od 30 (trideset) dana.Ugovor se može raskinuti i iz razloga propisanih Zakonom o obligacionim odnosima.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:
„Unilab“ d.o.o.Sarajevo

Direktor:
Hazim Šahbaz
HS 746-19



UGOVORNI ORGAN:
KJKP "Tržnice pijace" d.o.o. Sarajevo

Direktor:
Jasmin Terović



Broj: 12-20/19
Sarajevo, 15.08.2019.godine